



Croeso cynnes iawn i
EGLWYS ANNIBYNNOL MINNY STREET, CAERDYDD

www.minnystreet.org

Gweinidog: **Y Parchedig OWAIN LLYR EVANS**

Cydymdeimlwn yn ddiffuant â theulu a chyfeillion **Emyr Daniel** (Y Mynydd Bychan) fu farw yn sydyn ar Chwefror 10. Cynhelir gwasanaeth i ddiolch am ei fywyd yma yn Minny Street brynhawn Gwener (Chwefror 24) am 1:30 ac i ddilyn yn yr Amlogfa am 3:30.

*Dy fendith nefol dad
Fo ar dy blant i gyd,
A boed dy adain dros ein gwlad
A'th heddwch dros y byd.*

Dydd Sul, Chwefror 19

Oedfaon y dydd dan arweiniad **ein Gweinidog**

10:30 Oedfa Foreol (*thema'r oedfa: Cam wrth gam trwy Efengyl Mathew*) ac **Ysgol Sul** (Tîm 2)

Thema adnodau'r oedolion: TRUGAREDD

Diolch i **Eilonwy Jones** am ddewis themâu yn seiliedig ar newyddion yr wythnos ar gyfer ein gweddiâu yn yr Oedfa Foreol

Bydd y Cylch Dinasyddiaeth yn cyfarfod wedi'r Oedfa Foreol yn benodol i drafod gweithgaredd **Pythefnos Masnach Deg** (Chwefror 27-Mawrth 11)

18:00 Oedfa Hwyrrol (*thema'r oedfa: Gwyddoniaeth a Ffydd: Y Tabl Cyfnodol*)

19:30 Koinônia: yn **La Trattoria Molisana** (*angen bod wedi archebu ymlaen llaw*)

Dydd Llun, Chwefror 20

19:00 Cyfarfod Diaconiaid

Dydd Mawrth, Chwefror 21

19:30 Bethania: Fesul gam trwy Efengyl Mathew: Mathew 4: 18-25

Dydd Iau, Chwefror 23

19:30 Cyngor Eglwysi Cymraeg Caerdydd yn Minny Street: Myfyrdod y Grawys (1) dan arweiniad ein Gweinidog

Dydd Sul, Chwefror 26

Oedfaon y dydd dan arweiniad **y Parchedig Dewi Myrddin Hughes** (Clydach)

10:30 Oedfa Foreol ac **Ysgol Sul** (Tîm 3)

14:30 Minny Street yn gyfrifol am **de i'r digartref** yn y Tabernacl, Yr Âis

18:00 Oedfa Hwyrrol

~~~~~

**YN NEWYDD AR EIN GWEFAN YR WYTHNOS HON: [www.minnystreet.org](http://www.minnystreet.org)**

**Munud i Feddwl** (*Mr Dombey a 'Fi' & Great Expectations*)

**Newyddion Cyfredol**

**Dyddiadur Wythnosol**

**Addoliad a Myfyrdod** (*Crynodebau Pregethau & Bethania*)

## DARLLENIADAU DYDDIOL

**Chwefror 19: II Brenhinoedd 5:1-14; Salm 30; I Corinthiaid 9:24-27;  
Marc 1:40-45**

Chwefror 20: Lefiticus 13: 1-17

Chwefror 21: **DYDD MAWRTH YNYD:** Lefiticus 14: 1-20

### TYMOR Y GRAWYS

Chwefror 22: **DYDD MERCHER LLUDW:** Ioan 4:46-54

Chwefror 23: Daniel 9:1-14

Chwefror 24: Daniel 9:15-25a

Chwefror 25: Salm 32

~~~~~

CYLCH ELUSEN: Yn anffodus, ***ni chynhelir y gyngerdd*** gan Gôr Merched Cannaer budd ein helusen nos Sul nesaf (Chwefror 26). Os ydych wedi prynu tocyn gallwch fynd at yr aelod wnaeth werthu'r tocyn i chi a chael eich arian yn ôl! Ond, mae'r rhestr o ***eitemau ocsiwn*** yn y cyntedd, ynghyd â blwch ar gyfer eich cynigion - cymrwch amser i edrych ar y rhestr ac yna cynigiwch yn hael amdanynt! Bydd yr ocsiwn yn digwydd fel rhan o Ginio Pen Tymor y Gymdeithas.

~~~~~

**CYLCH Y GYMDEITHAS A BYWYD CYMDEITHASOL:** Mae'r fwydlen ar gyfer y Cinio Pen Tymor (***Nos Iau, Mawrth 29***) i'w gweld yn y cyntedd. Cynhelir y ginio yng Nghlwb Golff Llanisien a'n gwestai eleni fydd Lona Evans. Os am ddod, nodwch eich dewis ar y fwydlen!

~~~~~

DYDD GWEDDI BYD-EANG Y CHWIORYDD: Cynhelir y gwasanaeth blynyddol (a baratowyd eleni gan wragedd Cristnogol o Malaysia) ***brynhawn Gwener, Mawrth 2 am 2 o'r gloch*** yn Yr Eglwys Babyddol, Llanedeyrn Drive. Mae lleoliad yr Eglwys yn anghyfarwydd i nifer felly mae posteri ynghyd â chyfarwyddiadau ar sut i gyrraedd yr Eglwys yn y cyntedd. Os oes unrhyw un yn awyddus i fynychu'r cyfarfod ond heb gludiant, mynnwch air â Valmai Evans. Bydd nifer o Minny Street yn cymryd rhan - a gobeithio daw cynrychiolaeth dda i gefnogi.

~~~~~

**CYMORTH CRISTNOGOL:** Mae cyfle arbennig, drwy gyfrwng ***Rhaglen Intern Cymorth Cristnogol***, i unrhyw un dros 18 wneud cais i gynllun fyddai'n gyfle i dreulio 10 mis yn ysbrydoli pobl ifanc i weithredu ar ran pobl dlawd ac yn cynnwys treulio amser yn gweld gwaith partneriaid Cymorth Cristnogol dramor. Manylion llawn, ynghyd a ffurflen gais (dyddiad cau, Ebrill 2), ar wefan Cymorth Cristnogol: **[http://www.christianaid.org.uk/getinvolved/volunteer/gapyear/gap\\_year.aspx](http://www.christianaid.org.uk/getinvolved/volunteer/gapyear/gap_year.aspx)**

~~~~~

PABELL EGLWYSI CYMRU yn Eisteddfod Genedlaethol Bro Morgannwg: bydd cyfarfod i ddechrau gwneud trefniadau ar gyfer y babell ***nos Fawrth, Chwefror 21*** am **6:30** yn Ysgol Gyfun Bro Morgannwg. (Manylion llawn yn y cyntedd)

~~~~~

COFIWCH DDARLLEN YR HOLL WYBODAETH SYDD YN Y CYNTEDD